

天一閣藏明代方志選刊續編

弘治永州府志（湖南）

天一閣藏明代方志選刊續編
六四

上海書店

重修永州郡誌序

湖藩迤南而西郡稱永州予
鄉姚侯懋明由乙未進士蒞
政之又明年一以豈弟宅心
寢有餘力既而政通人和顧
郡誌雖嘗屢經修葺夫胡涉
誕謾者或失則繁率易而鹵

裂者或失則畧繁則過略則
不及要之悉非中道且舊刻
蠹蝕而魚豕訛焉者幾半用
是惕然思異時文獻無所於
徵屬零隳學諭林君華裁繁
補略從而為之析中既成爰
命工重將鋟梓以傳孟軻氏

皇明
曰知者當務之為急侯其急于所當務者哉雖然借非侯蒞政有餘力政罔通人罔和而誌之務殆亦急于其所不當務矣奚知為此以予歸老假寓武昌亟走書謬委予序諸而詞意勤渠蔑克以不文

辭者惟我

皇明幅員際覆載永之為郡僻居
西南古所謂要服之地然其
外環以廣東西尚數千餘里
雖夷獠與鄰恒孤單竄伏靡
敢侈肆而編氓麗城郭阡陌
者禮讓之俗固與諸夏無以

異也矧夫地則蒼梧山則九
疑川則瀟湘聲稱傳播海內
虞舜大聖巡狩崩而葬于是
陵墓巋然猶存人物則自漢
而下代亦有之而春陵周子
寔接道統之傳一脉如綫斯
皆誌之首兩宜載使人閱其

誌想像其地與其山川人物
而思樂仰也之懷自有不能
遏者抑其所載不寧維是若
宦于是而有名者其他姑未
暇論有如元次山奏蠲民租
薛存義辨理宿蠹陽城勞心
撫字柳宗元文章屹與萬石

亭愚溪並埒而今而後宦于
是者閱其誌無志則已有志
焉者將不曰彼若而我亦
若而人而欲升其堂躋其
也乎此則與人為善之一端
關繫攸重而餘若津梁觀字
金銀鉛錫鳥獸草木雖亦不

容不載頗無預於關繫之重
與否也然則永郡之誌之修
姚侯之志良有攸在又豈徒
急當務而已哉學諭諒老於
史筆者不然折是誌繁略之
中求免夫過與不及而使文
獻可徵於異時於乎難矣姚

禮得而屬之邪且侯素精
春秋春秋韓宣子聘魯歎周
禮盡在魯永之有誌即魯之
有周禮也異時徵文獻於永
者安知其不動宣子之歎云
弘治七年歲舍甲寅季冬月

吉

賜進士出身中憲大夫山東按

察司副使奉

勅提督學校致仕金陵沈鍾撰

永州府志凡例

永州舊志歷年既久全州灌陽俱在其中
列事類錯雜傳寫訛舛今按方輿勝覽并
湖藩總志一帙參互考訂錄其已備而增
其未備正其訛舛而刪其繁文欵目亦增
其三五也

一古今風俗習尚不同茲援古傳據今習詳
著其實以見我

朝治化之盛非若前代之陋也

一本郡山川紀其勝者景物紀其盛者堂榭
古蹟錄其勝槩而畧其湮蕪寺觀祠廟著
其舊置而削其濫祀坊牌列其存者于前
詳其廢者于後將有待於後人振作而復
之也

州邑里分戶口惟述編圖舊額數目不必
搜古登今而示隘替於外方也

一軍衛以府州縣而設故志以府州縣為主
其凡諸衛所併附于後

一古今仕於永者皆謂宦蹟故以宦蹟為目
以脩攷覽凡仕之蹟有功德及民而聲聞
于後者皆為名宦故以名宦類收之以垂
不朽

一賢才之生於永者皆謂人物故以人物為
目而孝義隱逸貞節各附焉後將以為世

道勸也彼科甲人才固亦人物是類但多
而不一或行檢有不終始者故割為兩類
以序之

一永郡人物如周元公名宦如柳宗元元次
山輩皆百世儒宗故其詩文之作非特永
之山川增輝且可以為天下後世楷範
也故彙次成帙以便觀覽其他名公碩士
紀述題詠係於永州府關於世教者皆可

以表一時制作之盛亦不敢有所瑣

永州府志凡例畢